



جەشەن خاۋنكار لە استكەلم

لە ھەلکەفت 2015/10/31

وہ نیەت ریزگردن لە مقاومت 3 رۆژە سۆلتان و یارانێ لە مەرنو لە وەرانوەر زۆلم و زۆر سوپائ چێچک
فدراسیون یارسان و کانۆن ئایینی پردیومەر مەراسم خاۋنکار لە استکەلم جەشەن گردن.

مەراسمەکە وە بەشداری ژیاثر لە 370 کەس لە سەھات 17.30 وە وەخت ئرۆپا دەسوہ پێ کرد. لە شۆن وەتن خەیرھاتن
و ەمەد بمارکی تبق رەوال ھەمیشە مەراسمەکە وە دەنگ رەسەن تەمۆیرە کە سازیک مۆقەدەسە لە ئایین یاری لە
لایان ھۆنەرماند دەس پەنجە رەنگین ە وەناوبانگ تەمۆیرە ژەن کۆمەلگای یارسان کاک ھۆشنگ ئەمیریان دەسوہ پێ کرد.

لە شۆنی پەيام پیرۆزبای فدراسیون و کانۆن ئایینی پردیومەر لە لایان سەید برزۆ حۆسەینی و پەيام پیرۆزبای سازمان
دەموکراتیک یارسان لە لایان کاک مەنسور جوامیری پێشکەش کریا.

باقی شەوێکە لە لایان ھۆنەرمان خۆش دەنگ کاک ئۆمید یاری و نەواژندە دەسپەنجە رەنگین سەید بەزاد حەسینی ئدامە
دریا .

لە ناو بەین ھەلپەری و شادی کۆرتە بەرنامەیک ئەرا بەزەئ سەر لێو لە لایان ھۆنەرمان رەشید مەجیدی (میروەلی)
پێشکەش بەشداریل کریا کە فرە ئەرا بەشداریان لەزەت بەخش بی.

لە لایان گروہ ھەلپەری ئەنجەمەن بیامە وە سەر پەرستی مۆراد ئاسفی کە میواندار ئی مەراسمە بین چەن بەزمیک
ھەلپەری رەسەن ناوچەئ یارسان نشین پێکەش کریا. لە شۆن گروپ ھەلپەریکەئ بیامە تا سەھات 24 بەزم ھەلپەری
و شادی ئدامە داشت.

جی ئامازە و دەسخورشیە کە جەشەن خاۋنکار لە لایان گروہ سیمینە و زەرینە (نەورۆز تی قی) وە سەرپەرستی کاک
تۆرج ئەسپەری فیلەبەرداری کریا. جی وەنتە نە تەنیا جەشەن خاۋنکار بەلکۆ تەمام جەشەنکەکان کۆمەلگای یارسان ئی
ئەمرک نەتەویە وە جی تێرن مەراسمەکان فیلەبەرداری و لە شاشە نەورۆز تی قی پەخشێ کریەد .

ئیمەچ بەش وەھال خۆمان لە لایان کۆمەلگای یارسانوە ژەن دەسخورشی و قەیزانی لە کارەکانیان ھەیاریم کە
نەمۆنەیان فرە بۆد و لە ئەنجام وەزیفەکان مۆافق بۆن.

چی خۆئ دیرید لە ئەنجۆمەن کلتوری بیامە دەسخورشی و قەیز زانی بکریەد ئەرا میوانداری و پەزیرای لە
میوانەکان و وە رێوەبردن مەراسم خاۋنکار.

فدراسیون یارسان